

# جَزِيدَةُ حَاكِمِيَّةِ

جمعه ايرتسى

نومرو	ربيع الاول	سنه	تشرين اول	سنه	صفحة
٦٧٢	٢٤	١٣١٠	٣	١٣٠٨	٩٨٦٩

( اشبو غزته بهر هفته جمعه ايرتسى كونلرى چيقار . سنه لى درسعات ايچون محيديه يكرمى غروش )  
 ( حسابيله التمش غروشدر . طشره لر ايچون اون بش غروش پوسته اجرقتى ضم اولنور . بهر )  
 ( نسخه سى ينه محيديه يكرمى غروش اولمق اوزره يوز پاره يه هر يرده ساتيلور . درج اولنه جق )  
 ( اعلاناتك هر برندن بر محيديه اخذ اولنور . سنه لى كنه مشتري اولمق استيانلر عدليه نظارتى )  
 ( دائره سنده كاشن جريده محاكم اداره سنه مراجعت ايلمليدر )

## قسمت سى

عشرى بدلاً النطق لازم كلان محصولاته قضا  
 اداره مجلسلى طرفنان تقدير اولنه جق فيئاتك  
 مقدارى ايچون مدت معينه ظرفنده وقوعه جق  
 اعتراضه بر مرجع تدقيق تعيينى ضمننده ماده  
 مذكوره مقامنه قائم اولمق اوزره قلمه النوب  
 مرعيت احكامنه بالاستيدان اراده سنه جناب  
 پادشاهى متعلق و شرف صدور بيوريلان ماده  
 نظاميه نك محاكمه تبليغى مالىه نظارت عليه سندن  
 باتذ كره اشعار اولنديغى ومذ كور ماده نظاميه  
 صورت مصدق سنك ارسال بيورلديغى بيان  
 عاليه موجه اقتضاسنك ايفاسى شرفوارد

( فى ٨ ربيع الاول سنه ٣١٠ وفى ١٧ ايلول )  
 ( سنه ٣٠٨ تاريخنده بالمله ولايات استيناف )  
 ( محكمه سى مدعى عمومىلرينه ومدعى عمومى )  
 ( بولنميان محللر مدعى عمومى معاونلرينه يازيلان )  
 ( تحريرات عموميه صورتيدر )

اعشار نظامنامه سنك سكرنجى ماده سى حكمنجه

اولان في ٢٧ محرم سنه ٣١٠ وفي ٨ اغستوس سنه ٣٠٨ تاريخي تذكره ساميه حضرت وكالتپناهيده امر و اشعار بيورلمش و مأموريتكز داخلنده بولنان محاكمه لاجل التبليغ اشبو تحريراتك نسخ مطبوعه سيله مذكور ماده نظاميه صورتی لفا ارسال قلمش اولغله بر موجب اراده عليه اقتضاسنك ايفاسی .

( اعشار نظامنامه سنك سكرنجي ماده سي مقامه )  
 ( قائم اولق اوزره قلمه النوب مرعيت احكامه )  
 ( بالاستيدان اراده سنیه حضرت پادشاهی )  
 ( شرفتملق بيورلمش اولان ماده نظاميه )  
 ( صورتيدر )

سكرنجی ماده عشری بدلاً النمق لازم كلان محصولات ادراك ايتدكجه مجلس اداره قضاده رايج بلده به توفيقاً قطع فيئات اولنه رق تنظيم اولنه جق مضبطه نك حفظيله بر صورت مصدقه سي

قضاده قائم مقام و مركز لواده متصرف طرفندن ضابطه واسطه سيله محصولك بولنديني كويك اختيار مجلسنه و بر صورت مصدقه سي دخي اعشاري درعهده ايدن ملتزمينه و اماده اداره سي حالنده مال مأموريتنه تبليغ اولنو مستقللاً اداره اولنان لوالر ايله ولايتك مركزی اولان قضاار محصولاتك فيئاتی مال مأموريتك تحريراً اخطاری اوزرينه بلديه مجلسارنده تقرير اولنوب بلديه مجلسنك مضبطه سي مجلس اداره لوا ولايته حفظ و بر صورتی بروجه محرر علاقدار اولنره ضابطه معرفتيله تبليغ ايديلور بويولد و يريله جك قراره راضي اوليان طرف مضبطنك تاريخ تبليغندن اعتباراً اون كون ظرئنده اعترا ضاتي ميين تنظيم ايده جكي عرضحال ايله بر صورتی فيئات قضاده تقدير اولنمش ايسه قائم مقامه و لواده تقدير اولنمش ايسه متصرفه اعطا اتمكجه مجبور و بومدتن صكره وقوعه جق اعتراضات غير مسموعدر و يريله جك عرضحالك صورتی نهايت اوج كون ظرفنده ديكر طرفه بالتبليغ بر هفته مدته آنك دخي ويره جكي جوابناه ذكر اولنان عرضحال و محفوظ اولان مضبطه ايله بر اشدير يله رك قضادن تابع اولدين متصرفلغه ولودن مقام ولايته با تحريرات تقديم ايله مجلس


## قسم غير رسمي

اداره لوا و يا ولايته ججه تدقيقات لازمه بالا اجرا اولبايده و يريله جك قرار قطعی ولايتغير اولق اوزره محلجه قطع اولنان فيئات تصديق و يا تعديل و تزويد ايديلور مستقللاً اداره اولنان متصرفلقلار ايله ولايت مركز لرنده بلديه مجلسنك قرارينه اعتراض وقوعنده عرضحال طوغريدن طوغري يه متصرفلق و ولايت مقامه تقديم اولنه جنی كې تبليغات لازمه دخي مجلس اداره لوا و ولايت معرفتيله اجرا قلمور يالكر اهالی و يا ملتزم طرفندن و يريله جك عرضحالر تمغا قانوننه تابع اولوب اشبو تقدير فيئات خصوصه متعلق اوراق سائر يولدن مستثنا اولديني كې مقررات و تبليغات مذكوره دن طولايي هيچ بر طرفدن خرج و رسم النمز .

في ٢٥ ذی القعدة سنه ٣٠٩  
 وفي ٨ حزيان سنه ٣٠٨

( امامسيه بدايت محكمه سندن ٢٠ حزيان )  
 ( سنه ٣٠٧ تاريخي و سكرسان بر عددي ايله )  
 ( استينافاً و يريلان اعلامك مابعدی )

المجانى مذاكره اولندقدنه تميز اولنان اعلام مطالعه سندن اكلاشديني اوزره محكمه جه اعتراض دعواسنك التي آي متادياً تعقيب اولنهامسندن طولاي رد استدعايه قرار و يرلمش ايسه ده اعلام غيابي عليهنده مستدعيه طرفندن و يريلان اعتراض استدعايى اوزرينه طرفينك بدرجه يه قدر محاكمه سي اجرا ايدلسنه كوره محكمه جه بوبابده معترض عليهك عرضحالی اوزرينه طرفينك جلب و استتجوابي اجرا قلمق و يوم معينده معترض كلدیكي حالده اولوقت اعتراض عرضحالی رد ايدلك لازم كلوركن بويولده معامله اجرا ايدليهرك دعواي مذكوره نك استيناف دعواسنه قياسيله اصول محاكمه نك ماده مذكوره سنه تطبيقاً اعتراض استدعاسنك ردينه قرار و يرلمش اصول وقانونه مغاير اولديغه بناء اصول محاكمه حقوقيه



مقیم ندالچو اوغلی دیمتر کی دخی کلدیکندن اصول  
محاکمه حقوقیه قانونسک ایکوز یکرمی طوزنجی  
مادهسی موجبجه تدقیقات تمیزیه اجراسنه  
ابتدار قلندی .

اعلام مذکورک خلاصه مالی مرقوم ندالچو  
سکر سنه اول قرضاً الماش اولدینی دوت عدد  
روس التونی مقابلنده متصرف اولدینی اوزبش  
دوئم ترلاسنی لاجل الزراعه اجرتله مرقوم  
دیمتر کی به ویرمش اولدینی حالده مرقوم دیمتر کی  
اشناسی یوقلمه ده کندی نامنه تصرف سنندی  
الدیغندن بخله مذکور ترلانک استردادینی دعوی  
ایتمش ایسه ده مرقوم دیمتر کی ایجار واستیجار  
دعواسنی انکار و مذکور ترلابی مدعیدن بش  
عدد روس التوننه صاتون الوب تقریر رسمیسنی  
ویرلماش ایسه ده شمدی به قدر تصرفله حق قرار  
قزاندیغنی تذکار ایله اولبابده برقطعه طاپوسندی  
ابراز ایلدیکی کی مدعی ندالچونک ایجار واستیجار  
دعواسنک بی اساس اولدینی وقوعبولان طلب  
وتکلیفنه بناء من بور دیمتر کینک اجرا قلان  
تحلیفیه تین ایندیکندن مدعی مرقومک دعوی  
واقعه سنک ردینه حکمدن ومستدعی تمیز ندالچونک  
اشبو حکم عالیهنده کی اعتراضتک باشلوجیمی

قانونسک ایکوز قرق برنجی مادهسی موجبجه  
اعلام مذکورک تقضیه کیفیتک قانون من بورک  
ایکوز قرق دردنچی مادهسی حکمنه توفیقاً یکیدن  
بالرؤیه اعلامه ربطی ضمننده محکمه مذکوریه  
اعاده سنه وزیرده مفرداتی مرقم اوچیوز قرق  
القی غروش مصارف محاکمه نک ایلروده حقسنز  
چیقه حق طرفه رجوع ایتمک اوزره اول امرده  
مستدعیه تمیز مارنوسدن النمسنه ۲۸ نیسان  
سنه ۳۰۸ تاریخنده متفقاً قرار ویریلرک  
تقیه قلندی .

حوصه بدایت محکمه سنندن ۸ کانون ثانی  
سنه ۳۰۴ تاریخنی و قرق ایکی عددی ایله اعطا  
قلنان اعلامک تمیزینی حوصه قصبه سنک واروش  
محل سنده ساکن زراعدن میطو اوغلی ندالچو  
باعرض حال استدعا ایلدیکی حالده تعیین قلنان کونده  
هاتر یه کلدیکی کی مدعی علیه قصبه مذکورده

ایتمش اولدیغنه و بویله متصرف حقیقیسی خصمی  
اولدیغنی اقرار ایلدیکی مذکور ترلا حقنده  
من بور دیمتر کینک بالاخره اون سنه مدتله  
تصرفنه استناداً حق قرار قزاندیغنه داتراولان  
ادعاسی قانوناً مسموع اولمیه جغه کوره محکمه جه  
بوجهت نظر دفته النهرق ایجاب قانونیسنی وجهله  
حکم ویرلمک لازم کلور ایکن مرقوم دیمتر کینک  
حق قرارینه بناء مرقوم ندالچونک دعواسنک  
ردینه حکم اولنمسی مغایر قانون اولدیغندن اصول  
محاکمه حقوقیه قانونسک ایکوز اوتوز ایکنجی  
مادهسی موجبجه اعلام مذکورک تقضیه وزیرده  
مفرداتی مرقم اوچیوز اون القی غروش مصارف  
تمیزیه نک ایلروده حقسنز چیقه حق طرفه رجوع  
ایتمک اوزره اول امرده مستدعی تمیز ندالچودن  
النمسنه ۲۳ مارت سنه ۳۰۷ تاریخنده متفقاً  
قرار ویرلدی .

مذکور ترلانک اساساً کلدوسنک اولدیغنی بدایه  
خصمی اقرار ایتمشکن حق قرار قزاندیغندن بخله  
تصرف دعواسنده بولنمسی نظر قانونده شایان  
النفات اولدیغنی حالده محکمه جه مرقومک حق  
قراره بناء استحصال ایلدیکی سنندی موجبجه  
حکم ویرلمسی قانونه مغایر اولدیغندن بخله اعلامک  
نقضی استدعاسندن و مدعی علیه دیمتر کینک  
نتیجه جوابی دخی مذکور ترلابی بش التونه  
من بور ندالچودن اشترا ایدوب تقریر رسمیسنی  
ویرلماش ایسه ده اون سنه بلا نزاع تصرف  
ایتمسبله حق قرار قزانش و حکم ابتدائی طاپو  
نظامنامه سنک یتمش سکرنجی ماده سنه موافق  
بولنمش اولدیغنی بیانیله اعلامک تصدیقی طلبندن  
عبارتدر .

ایجابی مذاکره اولندقده اعلام مذکور  
مندرجاتندن منقهم اولدیغنی اوزره بدایه مدعی  
علیه اولان دیمتر کی منازع فیله اولان ترلابی  
مدعی ندالچودن صاتون الدیغنی و فقط تقریر  
رسمیسنی اعطا اولنمیوب اون سنه بلا نزاع تصرف  
ایتدیکی جهتله حق قرار قزاندیغنی مدافعه بیان  
وادعا ایدرک شوصورتله مذکور ترلانک اساساً  
مرقوم ندالچونک مالی ایدوکنی اقرار و اعتراف

منمن بدایت محکمه سی تجارت قسمندن  
۲۸ مایس سنه ۳۰۶ تاریخنی و دوت عددی ایله

ویریلان اعلامک تمیزینی استعدا ایدن منمن  
قبه سنده ساکن تجاردن میقو اگو بلاراکی ایله  
مدعی علیه از میرده مقیم تجاردن کراسته جی  
میخاللاکی حاجی لوقه یوم معینده دائره به کلدیکندن  
اصول محاکمه حقوقیه قانوننک ایکی یوز یکریمی  
طقوزنجی ماده سی موجبجه اوراق اوزرینه  
تدقیقات تمیزیه اجراسنه ابتدار قلندی .

اعلام مذکورک خلاصه مالی مرقوم  
میخاللاکی حاجی لوقونک امره محرر برقطه سند  
موجبجه مرقوم میقو ذمتنده الاجنی اولان یوز  
طقسان سکر عدد تام و اوچ چاریک عثمانلی لیراسنک  
تأمین استیفاسی ضمنتده مدیون مرقومک ارمنی  
مجلسنده متصرف اولدینی معلوم الحدود بر باب  
خانه سنی تحت حجزه الیرمش اولدیغندن حجز  
موضوعک تصدیقیله مبلغ مذکورک تحصیلنی دعوی  
وسند مذکورکی ابراز و اعطا ایتمسنه قارشو  
عندالمحاکمه مدعی علیه میقو دخی سند مذکور  
النه جق کراسته بدلنه تأمینات مقامنده ویرمش  
والنان کراسته به محسوباً تسلیماتی وقوعبولمش  
اولدیغندن وقوعبولان تسلیماتک اجرای محسوبی  
ضمننده محاسبه لری رؤیت اولنمق اوزره کیفیتک  
میزلره حواله سنی مدافعه درمیان ایتمش ایسه ده

دفعنی اصولاً اثبات ایده مدییکبی مذکور سند  
زیرنده موضوع امضایی اقرار ایتمش اولدینی  
بیانیله مجله نیک بیک التیوز اوننجی ماده سی حکمنه  
توقیفاً مدعا به اولان یوز طقسان سکر عدد بتون  
واوچ چاریک لیرانک مع فائض تحصیلنه حکمدن  
و مستدعی تمیز میقونک اشبو حکم علیه نه کی  
اعتراضاتنک خلاصه سی مبلغ مدعا به مقابل  
تسلیماتی اولدینی ورؤیت محاسبه لری ضمنتده  
ایشک میزلره حواله سنی عندالمحاکمه درمیان  
ایتمشکن محکمه جه بو ادعالرینک تدقین و قبول  
ایدلماسی مغایر قانون اولدیغندن بمجله اعلامک  
نقضی استعدا سندن و مدعی علیه میخاللاکینک  
نتیجه جوانی دخی حکم واقع اقرار وسنده مستند  
اولوب اعتراضات مسروده بدایه بالمحاکمه  
رد ایدلمش اولدینی بیانیله موافق قانون اولان  
اعلامک تصدیقی طلبندن عبارت بولنمشدر .

ایجابی مذاکره اولندقدده اعلام مذکور  
مطالعہ سندن اکلاشلدینی اوزره درجه اولی  
محکمه سنجه مدعی علیه بولنان مرقوم میقوجانبندن  
مبلغ مدعا به محسوباً تسلیمات ادعاسی درمیان  
اولنهرق اثبات مدعانک رؤیت محاسبه به متوقف  
بولدینی بیان ایله کیفیتک میزلره حواله سی طلب

اولنمش اولدینی حالده بوراسنک نظر دقته التهامی  
واعطا قانتان تصدیق حجز استعدا سنک مدت  
نظامیه سی ظرفنده ویریلوب ویرلمدیکی خصوصنه  
تعرض اولنمدینی کبی وقوعبولان تسلیمات ایله  
فائض گذشته ادعالریندن طولانی مدعی علیه ک طالب  
تحلیف اولوب اولدیغنک کندوسندن سؤال  
اولنامسی مخالف قانون اولهرق مستدعی تمیز  
میقونک اعتراضی شایان قبول کورنمش اولدیغندن  
اصول محاکمه حقوقیه قانوننک ایکویز اوتوز  
ایکنجی وایکیوز قرق برنجی ماده لری موجبجه  
اعلام مذکورک نقضیه قانون من بوزک ایکویز  
قرق دردنجی ماده سی حکمنه توقیفاً کیفیتک یکیدن  
اعلامه ر بطی ضمنتده محکمه مذکوریه اعاده سنه  
وزیرده مفرداتی مرقم ایکویز التمش غروش  
مصارف تمیزیه نیک ایلروده حق سز چیقہ جق طرفه  
رجوع ایتمک اوزره اول امرده مستدعی مرقومدن  
النمسنه ۱۱ جزیران سنه ۳۰۷ تاریخنده متفقاً  
قرار ویرلدی .

کرده قضاسی بدایت محکمه سندن ۱۵ کانون  
اول سنه ۳۰۷ تاریخی و اوتوز عددی ایله صادر  
اولان اعلامک تمیزینی استعدا ایدن کرده قضاسنه  
مضاف منکن ناحیه سنک آق اینک قریه سنده مقیم  
حاجی رجب وکیلی مصطفی صادق افندی ایله  
مدعی علیهما قریه مذکورہ اهالی سندن صالح  
و عزت اغالریک یوم معینده ایضاحات شفاهیله لری  
استماع قلندی .

اعلام مذکورک خلاصه مالی مرقوم رجب اغا  
قریه مذکورہ حدودی داخلنده قوران ارمود  
واقچه الما نام دیگر جاملق دیمکله معروف باسند  
خاقانی متصرف اولدینی برقطه ترلاسنه مرقومان  
عزت و صالح اغالری ایله برادر لری علی طرفلرندن  
وقوعبولان مداخله نیک منعی طلب وادعا و برقطه  
طاپو سندی ابراز و اعطا ایتمش ایسه ده مذکور  
طاپو سندنده مرقوم حاجی رجب ایله برادری  
سید علی نامنه کوسترلمسنه و مدعی علیه لری طرفندن  
ابراز اولنوب نظر مطالعه یه انسان اعلامات  
مندرجاننده ایسه مدعی مرقومک برادری مرقوم  
سید علی مذکور ترلایه مداخله دن منع ایدلمش  
اولدیغنه وشو حالده سند مذکورک اعلامات  
مذکوریه قارشو برکونه حکم و تأثیری اوله میه .

مذکورہ یہ اعادہ سنہ و زیردہ مفرداتی مرقم در تیوز سکسان طقوز غروش مصارف محاکمہ نک ایلرودہ حقسز چیقہ جق طرفہ رجوع ایتک اوزرہ اول امرده مستدعیلردن النمسه ۹ تموز سنہ ۳۰۸ تاریخده اکثریتله قرار یریلرک تفہیم قلندی .

جفنه مبنی مدعی مرقومک رد ادعاسیلہ منازع فیہ اراضی مدعی علیہمک کافی السابق تصرف ایتلرینہ قرار یرلدیکندن و مستدعی و کیلنک اشبوا اعلام علیہندہ کی باشلوجه اعتراضی ذی الیدلکلرک بالینہ اثبات ایتدیرلماسی دعوی واقعہ اراضیہ متعلق اولدینی حالده انہای محاکمہ اراضی مأمورینک حاضر بولندیرلماسی مغایر قانون اولدیغندن بختله اعلامک نقضی استدعاسندن و مدعی علیہمانک نتیجہ جوابلری دخی اعتراضات واقعہ واهی بولندینی بیانیلہ موافق قانون اولان اعلامک تصدیقی طلبندن عبارت بولنمشدر .

ایجابی مذاکرہ اولندقدہ اعلام مذکور مندرجاتندن منہم اولدینی اوزرہ دعوی واقعہ عقار نوعندن اولان اراضیہ متعلق اولدینی حالده منازع فیہ اولان ترلایہ کیمک طرفندن وضع ید اولدیغنک بالینہ اثبات ایتدیرلماسی و انہای محاکمہ اراضی مأمورینک حاضر بولندیرلماسی مجلہنک بیک التیوز اوتوز بشنجی و بیک یدیوز الی دردیجی مادہ لری احکامیلہ و اصول محاکمہ یہ مغایر اولدیغنه بناءً اصول محاکمہ حقوقیہ قانوننک ایکوز قرق بشنجی مادہ سی حکمنہ توفیقاً کیفیتک یکیدن بالرؤیہ اعلامہ ربطی ضمنندہ محکمہ

کرید استیناف محکمہ سنندن ۲۰ نیسان سنہ ۳۰۴ تاریخی و سکسان بش عدی ایلہ یریلان اعلامک تمیزینی استدعا یدن لاشید سنجاغنه تابع بر پزہ قصبہ سنندہ ساکنہ ملک خاتون ذویولا و کیلی حسین کامی افندی یوم معینده دائرہ کلش ایسده مدعی علیہ قصبہ مذکورده مقیم حاجی عمر کی ملا رجب اجابت ایتدیکی کبی جواب لایحہ سی دخی کوندردیکندن و کیل مومی الیهک ایضاحات شفاهیہ سی استماع قلندی .

مستأنف بولنان من بورہ ملک خاتون ایلہ زوجی و کیلنک اعلام تبلیغنه مآذونیتی اولوب اولدیغی و مرقومانک اقامتکاهنک محکمہ یہ اولان مسافہ سی وصلہ حسابی وجهلہ بالتدقیق تبین ایدہ جک حالہ کورہ حکم اولنمق مقتضی ایکن بورالرینک نظر تأملہ النمیهرق رد استدعایہ قرار یرلمسی مخالف قانون اولدیغندن اصول محاکمہ حقوقیہ قانوننک ایکوز قرق برنجی مادہ سی موجبہ اعلام مذکورک نقضنه و قانون من بورک ایکوز قرق دردیجی مادہ سنہ توفیقاً کیفیتک یکیدن بالرؤیہ اعلامہ ربطی ضمنندہ محکمہ مذکورہ یہ اعادہ سنہ وزیردہ مفرداتی مرقم اوچیوز اوتور یدی بچق غروش مصارف محاکمہ نک ایلرودہ حقسز چیقہ جق طرفہ رجوع ایتک اوزرہ اول امرده مستدعیلردن النمسنہ ۱۳ مایس سنہ ۳۰۸ تاریخده متفقاً قرار یرلدی .

اعلام مذکورک خلاصہ مآلی مرقوم حاجی عمر کی ایلہ من بورہ ملک خاتون و زوجی مصطفانک بر پزہ ناحیہ سنہ تابع فالدیروس قصبہ سنندہ کائن اولوب مشاعاً عهدہ تصرفلرندہ بولنان بر باب صو دکرمانندن طرفینک مہابہ انتفاعیلہ دکرمن مذکور اجور اتندن ذمترلرینہ کچوردکری تبین ایدن مبالغ معلومہ نک من بوراندن تحصیلنہ دائر لاشید بدایت محکمہ سنندن صادر اولان اعلام علیہندہ من بوران طرفندن محکمہ مذکورہ یہ بالمراجعه استیناف دعوی اقامہ ایدلمش ایسده اعلام ابتدائینک تبلیغی تاریخنه نظراً استیناف استدعای مدت استینافیہ نک مرورندن صکرہ اعطا قلندینی تبین ایتسنہ مبنی استدعای مذکورک ردینہ قرار یرلدیکندن و مستدعیہ و کیلنک اشبوا اعلام علیہندہ کی اعتراضاتک باشلوجه سی اعلام ابتدائینک اصولی دائرہ سنندہ موکنہ تبلیغ اولنمدینی حالده بوجهت و اقامتکاهنک بمعدتی نظر دقتہ النمیهرق مدت استینافیہ نک گذرانہ قرار یرلمسی مخالف قانون اولدیغندن بختله اعلامک تصدیقی طلبندن عبارت بولنمشدر .

ایجابی مذاکرہ اولندقدہ اعلام مذکور مطالعہ سنندن منہم اولدینی اوزرہ دعوی واقعده

محکمہ استیناف تجارت قسمندن ۲ ایلول

سنه ۳۰۱ تاریخی و اوتوز ایکی عددی ایله ویریلان اعلامک تمیزی استعدایدن شهزاده جامع شریفی قارشوسنده یازیچی حسن افندینک دکاتنده مسافره مقيم اطنهلی میرینک اوغلی احمد تعین قلنان کونده دائره کلدیکندن یالکز مدعی علیه اطنهک ترسوس قوسی جاده سنده ساکن قیوچی اوغلی سرکیس وکیفورق قومپانیه سی وکیلی حسن رضا افندینک ایضاحات شفاهی سی استماع قلندی .

اعلام مذکورک خلاصه مالی مذکور قومپانیه نک امره محرر برقطه سند موجبجه مرقوم احمد افا ذمتنده الاجنبی اولان اون بر بیک کسورغروشک تحصیلی حقنده اقامه ایلدکری دعوایه قارشومرقوم احمد افا دخی مبلغ مذکور محسوباً یوز یتمش کيله حنطه وایجار بدلندن اوچ بیک یدیوز غروش ایله اوچ دفعه ده اوتوز مجیدی تسلیاتی وقوعبولدیغنی واساساً مبلغ مدعا به مرقومان سرکیس وکیفورق متوفی پدرلرندن مدور اولغله مبلغ مذکور میاننده فاحش فائض اولدیغنی بیان ایله برابر حنطه تسلیاتی حقنده برقطه علم وخبر اراز و دیگر تسلیات ادعاسیله فاحش فائض حقنده مدعیلرله دیگر ورته نک

تحلیفی طلب وادعا ایتمش ایسه ده دعوا ی واقعنهک دیگر ورتهیه شمولی اولدیغنی کبی یالکز مرقومان سرکیس وکیفورقک بو باده امر تحلیفلرینک اجراسنی اغای مرقوم صلبدن استسکف ایلدیکنه و علم وخبر مذکور مستند ادعا اولان سنده قارشو شایان قبول کور یله میوب تسلیات و فاحش فائض حقنده مرقوم احمد اغانک معامله والا ویره سی مرقومان سرکیس وکیفورق اغالریله جریان ایتدیکی اکلشلمسینه نظراً مرقوم احمد اغانک عموم ورته نک تحلیفی حقنده کی ادعاسنک دخی ردیله مبلغ مذکورک مع فائض اغای مرقومدن تحصیلی یولنده اطنه تجارت محکمه سندن ویریلان اعلامک استینافاً بالتدقیق تصدیقه حکمدن ومستدعی تمیز احمد اغانک اشبو حکم علیه نه کی اعتراضاتک باشلوجه سی مستند ادعا اولان سندک اعطاسندن صکره و حضری قریه س حضورنده اوتوز اوچر غروش فیأت تقدیر به یوز یتمش کيله حنطه تسلیاتی وقوعبولدیغنی بشو معامله بیع و شرانک شهود شخصیه اقامه سیله اثباتنه حاضر بولدیغنی استینافاً در میان ایتدیکی حالده سنده قارشو وقوعبولان تسلیات دعاسنک ینه سند ایله اثبات ایدیه کی بیانیله بو باده کی ادعاسنک رد اولنمی و بقیچه ایجاری بداندن

طولای ادا ایلدیکی اوچ بیک یدیوز غروش حقنده دخی تدقیقات اجرا قلماسی یولسزوقانونه مغایر اولدیغندن بختله اعلامک نقضی ومدعی علیهما سرکیس وکیفورق قومپانیه سنک نتیجه جوائی دخی حکم مذکورک اصول وقانونه موافق اولدیغنی بیانیله اعلامک تصدیقی طلبندن عبارت بولنمشدر .

ایجابی مذاکره اولندقه اعلام مذکور مندرجاتندن منفهم اولدیغنی اوزره عندالاستیناف مرقوم احمد افا یوز یتمش کيله حنطه حقنده وقوعنی ادا ایلدیکی معامله بیع وشرانی شهود شخصیه اقامه سیله اثبات ایده جکنی در میان ایلدیکی حالده بو باده کی ادعانک رد اولنمی و بقیچه ایجاری بدلندن طولای مذکور قومپانیه نک ذمته کچن اوچ بیک یدیوز غروش حقنده دخی اجرای تدقیقات اولنمسی مرقوم احمد افا طرفندن ادعا ایدیلان فاحش فائضک قننی معامله دن متولد اولدیغنی یعنی مرقومان سرکیس وکیفورقک پدرلری زماننده می یوخسه کندی زمانلرنده می حساب و مبلغ مدعا به ضم اولنمشدر بورالرینک دخی تدقیق ایدلسی اقتضا ایدر ایکن نظراعتباره النامسی قانونه مغایر و مستدعینک اعتراضاتی

شایان قبول اولدیغنه بناءً اصول محاکمه حقوقیه قانوننک ایکوز اوتوز ایکنجی و ایکوز قرق برنجی ماده لری موجبجه اعلامک تقضیه قانون مذکورک ایکوز قرق دردیجی ماده لری موجبجه کیفیتک یکیدن تدقیق ضمننده محکمه مذکوریه اعاده سنه وز یرده مفرداتی محرر درتیوز سکسان یدی غروش مصارف تمیزی نه نک ایلروده حقسنز چیقه جق طرفه رجوع ایتک اوزره اول امرده احمد اغانک النمسینه ۱ تشرین اول سنه ۳۰۷ تاریخنده متفقاً قرار ویریلهرک تفهیم قلندی .

جمعه قضاسی بدایت محکمه سندن ۲۹ مایس سنه ۳۰۰ تاریخی واون بش عددی ایله صادر اولان اعلامک تمیزی جمعه قضاسنک اوچنه قریه سنده ساکن عثمان افندی باعرضحال استدا ایلدیکی حالده یوم معینده دائره کلدیکندن مدعی علیه مالیه خرینه جلیله سی وکیلی رحمی افندینک

ایضاحات شفاهیه سیله باش مدعی عمومی معاوتلرندن  
سعادتلو بورغاکی افندینک مطالعه سی استماع  
قلندی .

اعلام مذکورک خلاصه مآلی مومی الیه  
عثمان افندی کفالتیله حسن اوبه قریه سنک طقسان  
برسنه سی اعشارینی التزام ایدن ابریق علی اغانک  
غیر از تسلیات خزینة جلیله دینی اولان اوج  
بیک اوجیوز اون ایکی غروشک مع گذشته  
کفیل مرقومدن تحصیاتی خزینة مشارالیه اوکیلی  
حسن افندی مدعی عمومی حضور یله طلب  
ودعوی و برقطه ضبطنامه ابراز واعطا اتمسی  
وعندالحاکمه مدعی علیه عثمان افندی دخی مبلغ  
مدعا بهک ملتزم مرقومک دینی اولدیغنی بعدالاقرار  
انجق کندوسی کفالتدن اسقاط ایلدیکی جهتله  
مطالب اوله میه جغنی مدافعة درمیان ایله برقطه  
مضبطة ابراز و ارائه ایلرسی اوزرینه جریان ایدن  
محاکمه و تدقیقات نتیجه سنده مذکور مضبطة  
مومی الیه عثمان افندی ایله اصل مدیون علی اغانک  
رؤیت اولنان محاسبه لرنده تین ایدن ذمتلرینک  
مال صندیغنه تسلیمتی متعهد اولدقلرندن عبارت  
اولسی جهتیه مجله نیک بیک سکر یوز اون یدنجی  
ماده سی حکمنه توفیقاً مبلغ مدعا بهک اون بر

سنه لک گذشته سیله بالغ اولدینی اتی بیک یکرمی  
درت غروشک کفیل مومی الیه عثمان افندی دن  
تحصیلنه حکمدن ومستدعی تمیز عثمان افندی نیک  
اشبو حکم علیه نده کی اعتراضتک اشلوجه سی  
ادعا اولنان اعشار اوبه قریه سنک اولوب ابراز  
اولنان ضبطنامه ده ایسه قورچو قریه سنه کفالت  
ایلدیکی صراحة مسطور اولدینی حلد محکمه جه  
بوراسنه دقت اولنماسی و مجله نیک بیک اتی یوز  
یکرمی التنبی ماده سی موجبجه مبلغ مدعا بهک  
جنس و مقدراری کوسرتلامسی و ابراز اولنان  
اوراقک عیناً و یا خلاصه اعلامه درج و علاوه  
ایدلامسی مغایر قانون اولدیغندن بخت اء اعلامک  
نقضی استدعاسندن و مدعی علیه خزینة مشارالیه  
وکیلی رحمی افندی نیک نتیجه جوابی دخی اعتراضات  
مسروده عندالحاکمه حل و تدقیق ایلهرک رد  
ایدلمش و حکم واقع موافق اصول و قانون بولنمش  
اولدینی بیانیله اعلامک تصدیقی طلبندن و معاون  
مومی الیهک مطالعه سی دخی دعوی واقعه اموال  
دولته متعلق اولدینی حالد اثنای محاکمه مدعی  
عمومینک حاضر بولندیریلهرق مطالعه سه مراجعت  
ایدلامش اولدینی بیاندن عبارت بولنشد .

ایجابی مذاکره اولندقدده اعلام مذکورک

نتیجه مآلی حسن اوبه قریه سی ملتزمی علی اغانک  
خزینة جلیله دینی اولدینی کفیلی مومی الیه  
عثمان افندی نیک اقرار یله تین ایدن مبالغ معلومه نیک  
مع فائض بالغ اولدینی اتی بیک یکرمی درت  
غروشک کفیل مومی الیه دن تحصیلنه حکمدن  
عبارت اولسنه نظر احکم مذکور اسباب موجبیه  
مستند اصول و قانونه موافق بولدیغنه و مستدعی  
مرقومک تمیزاً سرد ایلدیکی بالاده محرر اعتراضیه  
اعتراضات سائره سی نقضی موجب کور یله مدیکنه  
و معاون مومی الیهک مطالعه سی دخی موافق  
نفس الامر اولدیغنه بناء ردیله اعلام مذکورک  
تصدیقته وز برده مفرداتی مرقم یوز طقسان  
غروش مصارف تمیزیله نیک مستدعی مرقومه  
رجوع اتمک اوزره اول امرده خزینة مشار  
الیه دن التمسینه ۲۶ ایلول سنه ۳۰۶ تاریخده  
متفقاً قرار ویریلهرک تفهیم قلندی .

آیدین استینافی محکمه سنندن ۱۸ حزیران  
سنه ۳۰۷ تاریخی ویکرمی اتی عددی ایله ویریلان

اعلام مذکورک خلاصه مآلی مومی الیه  
مغردیچ افندی باعرضحال استدعا ایتدیکی حالد  
یوم معینده دائره یه کلدیکنندن مدعی علیها از میرده  
ایکنجی قوردونده ساکنه اوتلجی کوریا قومه  
قادین وکیلی خاچوپولی افندی نیک ایضاحات  
شفاهیه سی استماع قلندی .

اعلام مذکورک خلاصه مآلی مومی الیه  
مغردیچ افندی نیک از میرده ایکنجی قوردونده  
کآن عهده تصرفنده بولنان بر باب خانه سنی سنوی  
یوز عدد لیرای عثمانی بدل اجاره ایله مز بوره  
کیریا قوله قادینه ایجار ایلدیکی اقرار یله ثابت  
اولدیغنه واکرچه مذکور خانه نیک تسلیمی بدل  
ایجارک تعجیل تأدییه سیله شرط قلندیغنی طرفینک  
تصادفی تحتیه آیسده اولجه خانه مذکورک  
مستأجره تسلیم ایدلمسی موجر مومی الیهک حق  
تعجیلی اسقاط ایده جکنه مبنی مجله نیک بیک بشیوز  
سکسان اوج و بیک بشیوز سکسان یدنجی ماده لری  
موجبجه مدعا به خانه نیک مز بوره یه تسلیمنه دائر  
بدایة صادر اولان اعلامک عندالاستیناف  
تصدیقته دائر محکمه مذکورده دن اولجه ویریلان  
اعلام تمیزاً نقض ایدلمسی اوزرینه محکمه  
مذکورجه بتکرار اجرا فلنان محاکمات و تدقیقات

استینافیه نتیجه سنده حکم ابتدائیک کافی السابق  
تصدیقہ حکمدن و مستدعینک اشبو حکم علیہندہ کی  
اعتراضاتک باشلو جہ سی تعجیل ایجار دعواسنک  
تسلیم مأجور دعواسیلہ بر لکدہ رؤیتی حقندہ  
عند الاستیناف در میان اولنان اعتراضہ حوالہ سمع  
اعتبار ایلامسی و پیشناً و یرلمسی مشروط اولان  
بدل ایجارجک تسویہ اولنمدینی مز بورہ نک تحت  
اعترافندہ ایکن محکمہ جہ بدل ایجار حقندہ دخی  
بر قرار و یرلمسی مخالف قانون اولدیغندن بختلہ  
اعلامک نقضی استدعاسندن ومدعی علیہا و کیلنک  
نتیجہ جوابی دخی اعتراضات مذکورہ واهی  
اولدینی بیانیلہ موافق قانون اولان اعلامک  
تصدیقی طلبندن عبارت بولنمشدر .

ایجابی لدی المذاکرہ تمیز اولنان اعلام  
مذکور مطالعہ سندن منقہم اولدینی اوزرہ  
مز بورہ کیر یا قولہ قادی طرفندن کندوسنہ تسلیمی  
ادعا اولنان خانہ نک مدت ایجاری منقضیہ اولدینی  
اکلاشلمش وشو حالده مذکور خانہ ده مستأجره  
مز لونه نک حق انتفاعی قالیہ جنی جہتلہ مأجور  
مذکورک مز بورہ یہ تسلیمنہ محل بولنمدینی  
درکار بولنمش ایکن محکمہ جہ بوراسنہ دقت  
اولنمیہرق مأجور مذکورک مدعیہ مز بورہ یہ

## اعلان

جنس اشیا

عدد ۱  
مر مردن معمول صو قرغانی

تسلیمنہ قرار و یرلمسی اصول وانونہ مغایر  
اولدیغنه بناءً اصول محاکمہ حقوقیہ قانونک ایکوز  
اوتوز ایکی و ایکوز قرق برنجی مادہ لری موجبنہ  
اعلام استینافی مذکورک نقضنہ و قنون مزبورک  
ایکیوز قرق بشمنجی مادہ سی موجبنہ کیفیتک  
یکدن بالرؤیہ اعلامہ ربطی ضمنندہ محکمہ  
مذکورہ یہ اعادہ سنہ وزیرده مفردان مرقم اوچ  
یوز قرق سکر غروش مصارف محاکمہ نک  
ایرودہ حقسز چیقہ حق طرفہ رجوع ایتمک  
اوزرہ اول امرده مستدعی مفردین النمسنہ  
۹ کانون ثانی سنہ ۳۰۷ تاریخندہ اکثریتلہ قرار  
و یریلہرک تفہیم قلندی .

عدد ۳  
تیموردن معمول صو قرغانی  
۱ عربہ تکرلکی تیمورلری

احمد راسم بکک ہار یک کوہر یان ذمتندہ  
محکوم بہ الاجتی بولنان معلوم المقدار مبالغتک  
تأمین استیقاسی ضمنندہ تحت جزہ النان بالادہ  
جنسی محرر اوچ قلم اشیانک اشبو اوچوز سکر  
سنہ سی ایلولنک یکرمی سکرنجی بازار ایرتسی  
ویکرمی طقوزنجی صالی و اوتوزنجی چهارشنبہ  
کونلری سرکہ جیدہ قایش طایغی صو دپوسندہ  
ساعت التیدن اعتباراً بالزایدہ فروخت اولنہ جفندن  
طالب اولنلرک ایام مذکورہ محل مذکورده  
حاضر بولنملری در سعادت اعلامات نظامیہ اجرا  
دائرہ سندن اعلان اولتور .

فی ۲۴ ایلول سنہ ۳۰۸

لامبہ جی خاچیک ولد مانوق خیمار سومک  
المانیا دولتی تبعہ سندن موسیو لوتربونفہ محکوم بہ

اولان دینک تسویہ سسیچون مدیون مرقومک  
باغچہ قپوسندہ یکی جامع شریف جادہ سنده  
خواجہ علاالدین محلہ سنده چلنکرلر ایچندہ واقع  
قرق درت نومرو ایلہ مرقم شہری درت لیرا  
ایجارجک تورر خرده واتجی دکانک نصفندہ متصرف  
اولدینی ثلث حصہ سی تاریخ اعلاندن اعتباراً  
اون بش کون صکرہ موقع مزایدہ یہ قونیلہ جفندن  
اشتراسنہ طالب اولنلرک ودها زیادہ معلومات  
المق استیانلرک محکمہ تجارت اجرا دائرہ سنہ  
مراجعت ایلملری اعلان اولتور .

فی ۲۰ ایلول سنہ ۳۰۸

ارنبود کوی سنده ایانیقولا جادہ سنده ۳۸  
نومرولی خانہ ده ساکن تبعہ دولت علیہ دن  
پتراکی قوجوبی افدینک حیدر پاشادہ تیمور یول  
موقفی سیار مأمور لرندن اولوب کچلرده قونیہ  
طریقیلہ در سعادتدن انفکاک ایتدیکی و محل عزیمت  
واقامتکاهی مجهول ایدوکی خبر و یریلان تبعہ

دولت عليه دن موسيو ( س ) اغاسيان عليهنه  
 درسمادت محکمه تجارتي ايکنجی مجلسندن استحصال  
 ايلديکی ۲۹ اغستوس سنه ۳۰۸ تاريخی و يکرمی  
 ليرا يکرمی برغروشک گذشته و مصارف محاکمه سيله  
 برابر تحصيلی حکمنی ناطق بر قطعه اعلام غیابی  
 صورت مصدقه سنک بر منوال محرر محل عزیمت  
 واقامتگاهی مجهول بولندينی جهتله اعلاناً تبليغی  
 باستدعا طلب اولنمش و اولوجهله صورت  
 مذکورنک اصول محاکمه تجارت نظامنامه سنک  
 يکرمنجی ماده سنک دردنجی فقره سی احکامنه  
 قیاساً تبليغ اولنمش عد اولنمق اوزره دیوانخانهیه  
 تعليق اولندينی کبی اوراق حوادث واسطه سيله ده  
 اعلانی لازم کلش اولغله تاریخ اعلاندن اعتباراً  
 فرق بر کون ظرفنده مومی الیه موسيو ( س )  
 اغاسيانک محکمهیه مراجعتله اثبات وجود ایتسی  
 لازم کله چکی و ایتدیکی تقدیرده صورت اعلام  
 تبليغ اولنمش عديله حکمنک اجرا اولنه جنی معلوم  
 اولمق اوزره اعلان کیفیته ابتدار قلندی .

فی ۲۲ ربیع الاول سنه ۳۱۰

وفی ۱ تشرین اول سنه ۳۰۸

لئون پچاقیانک  $\frac{۳۰۸}{۱۱۲}$  نومروسيله قید بک  
 اوغلی برنجی حقوق دائره سی اعلامی و جنبجه  
 فاطمه هیبتاه و والده سی امینه ملکه ناملرک  
 ذمتنده الاجنی اولان معلوم المقدار مبالغتک تأمین  
 استیفاسی ضمننده مومی الیه مادن فاطمه هیبتاه  
 خانمک طاطاوله حدودی داخلنده نیشلی  
 قره غولخانه سی وراسنده حاجی منصور سرقاغنده  
 تربیعاً درت بیک اوچپوز زراع اون یدی  
 نومرولی بر قطعه عرصه ده متصرفه اولدینگی نصف  
 حصه شایعه سی اونبر بیک بشپوزغروش دل ایله  
 طالبی عهده سنده تقرر ایلدیکندن تاریخ اعلاندن  
 اعتباراً اوتوز بر کون ظرفنده بدل مذکور  
 اوزرینه یوزده بش ضمیله طالب اولنلرک بک  
 اوغلی بدایت محکمه سی اجرا مأموریتنه مهاجعت  
 ایلملری اعلان اولنور .

فی ۳ تشرین اول سنه ۳۰۸